




裘竹齋詩集目

卷之一

五言古詩 二十六首



卷之二

七言古詩 七首

卷之三

五言律詩 二十四首

卷之四

七言律詩 四十四首

卷之五

五言絕句 一十三首

雜著 一首

卷之六

七言絕句 一百三十九首

裘竹齋詩集摠目終

共詩二百五十四首

裘竹齋詩集卷之一目錄

五言古詩

行役

武陽渡

宿佛頭塔

羅溪橋

別友

次許秀才韻二首

病中聞伯量相訪寄之二首

次范光伯泛江韻

蠶運

次伯仁善利閣小室韻

見雪

出門

菖蒲

宿田家竹亭

送詩僧如師西遊

從人覓墨梅

睡起

讀卻報

次伯量贈別詩韻

老農歎

送范光伯北行

安樂宮示元德弟二首

題余仲祥松齋



INRI

裘竹齋詩集卷之一目錄終

裴竹齋詩集卷之一

宋 裴萬頃 元量甫 著

五言古詩

行役

宿霧鎖山椒
落月掛林側
崎嶇歷岡巒
髣髴辨阡陌
秋高風露寒
道遠時序迫
安得歸故園
篝燈理書冊

武陽渡

一舟小如葉
橫在波濤中
紛々川上人
欲渡愁北風
有帆天際來
漸近葭葦叢
寄聲與問訊
恐是陶朱公

宿佛頭塔

孤村三四家籬下盡禾桑主人慣入市能作市井語
開窓對竹山揖客治尊俎白雲忽在眼客泪隨如雨
羅溪橋

我來從西昌日、因塵土誰知羅溪橋淨若初過雨
長松列左右清風奏宮羽薄暮舍籃輿扁舟渡溪去

別友

清宵月滿梁相思幾搔首不圖塵土中得共一尊酒
人事好乖甚隨復而分手惟有管鮑心明、若箕斗

次許秀才韻二首

痴兒欲了事事竟莫之了崇朝弄朱墨校勘是與否

徐觀鴈驚行大半落渠手敗群雖已去考牧未有道
拙工不量力自謂中了了高談蓋一座衆可已獨否
斯須臨斧斤汗背血兩手旁觀信善斲莫肯告以道

病中聞伯量相訪寄之二首

我屋脩竹根身閑境逾靜維摩本無心誰令示人病
夕陽耿踈林影落莓苔徑佇立有所懷高人倘乘興
高人在城郭應酬頗紛如憶我煙霞栖遺我一紙書
雨餘窓户涼蛩聲滿階除相過有成言何時命中車

次范光伯泛江韻

夫君陶阮徒俗子所不快屹然顏其中特立蓋甚介

平生江湖樂欲去不得邁何當從君遊漁釣寄吾解
螳運

知戰不能損檀氏所以亡吾愧與敵槐將何固封疆
及此閑暇時相與積乃倉不須更他驚富國兵自強
次伯仁善利閣小室韻

山林吾所廬夜月但對影焉知江上人一日了萬境
褰裳步臺有室妍且靜徘徊不能去坐見四山暝

見雪

元冥當語誰餉我一簷雪吾廬本來靜得此更清絕
遙憐北海上徃々已盈尺齧檀人在否毋凌漢臣節

出門

出門復入門吾行竟安之携書北窓下翻閱聊自怡
有懷千載人掩卷還歎歎采々首陽薇戀々商山芝
一裘或終身欣然釣江湄斯人不可作斯道日湮微
目前稻梁謀鳧鴈方齊飛青田寂無音歲晚將疇依
慎勿出門去塵埃染人衣

菖蒲

康廬入吾懷十載馳夢魂踵門者何人遺余以芳菖
穠然得其趣如對五老言幽姿出巖谷常帶冰雪痕
塵容為一洗兩目不復昏忽思三峽流褰衣涉潺湲

因仍一寸石浸潤九節根人言可扶老歲月須其蕃
茲理諒不誣吾將從綺園

宿田家竹亭

我家西山巔四壁皆此君揭來事奔馳日與茅葦親
方思坡仙詩恐入俗士群止我宿者誰此君滿其門
頽然千百夫一見若故人夜深清風來好音夢中聞
呼童啟北窓為渠炷爐芬

送詩僧如師西遊

鄉來詩壇上權竒聲籍籍君雖後兩翁而已分半席
主人龍門高宜有如此客橫行翰墨場徃徃一當百

挾是今西遊吐談取瓊璧要須早歸來成就法王宅

從人覓墨梅

熏爐束詩魂茗椀驅睡思掩閤寂無營翰墨自娛戲
山寒溪正清月淡雪初霽橫斜兩三枝見說可人意
天機如胸中出手特餘事何時剪冰紈來對病居士

睡起

疾去得安卧寒宵不知長隣雞忽聞聲曙色侵我床
人生孰無營晨興固其常奈何以一身投之百憂場
吾方休吾心與世長相忘適逢希夷翁授吾枕中方
意行到華胥日是猶徜徉回觀一世人擾擾良可傷

誰能從我遊要須留春皇

讀邸報

紛々天下事翻復良難期不知窈冥中主張者云誰
工拙判兩塗人謀豈容施得非欲平治機緘遂潛移
目前三四公並用無一遺毋嫌滯一州民實邦之基
鄉來番江頭親見國子師德行淵與騫千載如同時
斯人使臨民兒不賴母慈人言致泰和須索登臯夔
位崇澤斯均否則失所宜天乎儻人從何時可臻茲

次伯量贈別詩韻

我生既駑下且復寡見聞時々警其愚姻黨賴有君

自慚將且疲不足張此軍君乃不我棄歡然與同群
願學如之何此志亦已勤正坐未知方所得不足云
人生所好雜其力用是分詞章末技耳安能媿皇墳
而况字書學元々纂說文曷若鞭吾心或有汗馬勲
請益恨未能別君大江濱長吟昌黎詩安得身登雲

老農歎

霜畊水在趾雨種泥沒膝旱魃忽為虐畊種謾勞力
去年幸一稔今歲免艱食細聽老農語令我三歎息
但願從此去龍骨長掛壁大田多黍稌高廩若山積
或云穀大豐則恐錢轉晉夏租星火急處此未有策

細民一錢稅徃亦追索穀賤反傷農此語傳自昔
語客且勿憂新絲尚堪質

送范光伯北行

元冥將歸休句芒已促裝江邊踈柳青江上寒梅香
有客當此時中流駕風檣欲學太史公窮汶泗沅湘
吾聞帝王州雄麗幾錢塘疇昔駐六龍至今繪未央
鷺洲橫渺瀰鳳臺摩青蒼名山與大川徃徃邀相望
是間或小留不妨月徜徉平生學屠龍袖手五字章
茲逢賢主人定知奏宮商追李逐杜陵相與升其堂
要令千萬篇金薤垂琳琅秋風鴻鴈來因之東南翔

寫君磊砢胸慰我離別腸

安樂窩示元德第二首

徃時病僧寮今為安樂窩昔病而今安所得良已多
百年直須更一立且婆婆倦翼棲茂林潛鱗渺重波
方欣隨所願豈復知其他朝來啟南窓群山鬱嵯峨
上有無心雲乘風遠相過却觀聲利場紛紛正橫戈
到頭蠻與觸勝負能幾何冒若休吾心考槃依澗阿
孟夏草木繁雨餘氣清和四壁環斷碑經史星宿羅
幅中據胡床脩然自吟哦因之成此詩要使兒童歌
清泉出石竇白雲卧山窩淋漓乍開霽原野懽聲多

吾廬近西峰其下林娑娑解衣坐磐石持竿釣清波
主人忘機心鷗鳥亦無他東魯與南郭泰山等峨嵋
周子何人哉自許不啻過一朝離草堂山英遂橫戈
折轅不得還如此俗駕何仰視前脩翁鉛刀比太阿
余弟山林人心平氣自和懽然樂箏瓢笑彼葷羶羅
好書不厭觀佳句時一哦煩廣紫芝曲為我醉時歌

題余仲祥松齋

芳妍桃李場紛趨歛成蹊長松坐偃蹇遂爾不見知
平生異時人不與俗轉移蕭然塵埃中擅此丘壑奇
窗空境逾清四壁風來吹抱琴揖蒼髯喜氣掀兩眉
臭味既與同相親不相違直期閱歲寒可但忘朝飢
斯正如乃翁過處更過之直比千丈幹歷落不受羈
只恐大厦成梁棟各有施出處初何心山靈勿疑渠

裴竹齋詩集卷之一

裴竹齋詩集卷之二目錄

七言古詩

夜坐薦福寺次王成之韻

厭原山中曉行

秋試示諸兒

十二月大雨

燈下偶次前韻

贈拂雲主人

次余主簿仲庸梅韻

裴竹齋詩集卷之二目錄終

裴竹齋詩集卷之二

宋 裴萬頃 元量甫 著

七言古詩

夜坐薦福寺次王成之韻

鞭鸞未暇相追逐且向祇園止君宿清談待得月華
生窗戶明々耿殘燭誰令泉石隨吾前洗盡人間絲
與竹風帆明發君不留此樂只應吾所獨

猷原山中曉行

碧雞夜半聲咽嘶喚起幽人步林樾秋高風露着群
木無數寒花泣明月松篁一徑宛如畫石溜涓々更

清絕山巔便好結茅廬莫待他年鬢成雪

秋試示諸兒

漠漠輕雲弄寒影霏霏小雨生秋興黃槐開盡舉子
心丹桂喜傳仙籍信竹齋隻手縮袖間坐看群兒鏖
一戰春風躍馬不為難此去毋言日邊遠

十二月大雨

一冬都無五日寒赤日杲杲后土乾水官丐歸帝勿
許詰朝不雨吾戮汝斯須便放大瓢傾一洗萬里塵
埃清不妨更作尺深雪桑榆之功尚堪說

燈下偶次前韻

北風吹雨夜正寒北窗吟詩舌欲乾千辛萬苦浪如
許飯顆山頭誰着汝何如一樽隨意傾酒酣不問濁
與清明朝縱有三尺雪灞陵詩句無庸說

贈拂雲主人

十年作計須種木一日不可使無竹道人於此得三
昧綠霧中間着蒼玉拂雲誰為名其居我亦心同雲
捲舒相期直覓飛霞佩不用重拈種樹書

次余主簿仲庸梅韻

春醪欲冰木欲折急雨風吹不成雪玉妃夜隨廣寒
宮開作寒花賽清絕未須千樹插山巔且要幾枝橫

水邊暗香疎影尚無恙憑誰喚起西湖仙不妨琢句
更馭送一洗十年塵土憂鉄心元不為渠回眼底珠
璣聊簸弄

裴竹齋詩集卷之二

裴竹齋詩集卷之三目錄

五言律詩

雨後

涼風

用鄭浮梁韻簡圜師二首

次黃存之韻

暘谷偶成

書率更西林碑

晚歲送館人歸省

別敬叔

贈畫工

次胡伯仁韻

書晁文元道院集

送范二丈入藍田書院二首

夜坐用前韻二首

送胡仲立入京

次施真人韻

偶成

老屋

留淺沙

寄題喻高士澹軒

晚步

榮姪試周

裘竹齋詩集卷之三目錄終

裴竹齋詩集卷之二

宋

裴萬頃

元量甫

著

五言律詩

雨後

秋事雨已畢秋容晴為妍
新香浮襪履餘潤溢潺湲
機杼蛩聲裡犁鋤鷺影邊
吾生一何幸田里又豐年

涼風

涼風幾時動日暮已秋聲
稍々月華白紛紛林影清
余懷元不惡世事巧相櫻
所願西成後邊頭息戍兵
用鄭浮梁韻簡園師二首

杖履出蹊窄鐘魚佛界深寒梅殘屋角春薺老墻陰
一水元無恙扁舟尚可尋煩師掬清溜為我洗塵心
古寺規模壯空山歲月深春排千樹綠雲隨一溪陰
地僻人稀到官閒我得尋歸來說清賞未覺負初心
次黃存之韻
客官何時了官居又歲餘歸心五湖夢病眼一床書
近作君能富新功我略無不妨賦游獵會有薦相如

賜谷偶成

愛日祛愁霧微和散積陰一窗塵外趣萬竹歲寒心
士要崇清節吾將老故林抱琴聊一醉何用覓知音

書率更西林碑

苒々老將至區々心已疲文章非世用字畫謾兒嬉
廬阜多名刹隋人有斷碑驪黃雖易辯堂奧未容窺

晚歲送館人歸省

不厭冰霜路衝寒辦一歸晨雞戒鞍馬春酒壽庭闈燈
火知辛苦雲霄會奮飛相期紆綠綬非但戲斑衣

別敬叔

筆硯君無間冰霜歲又除諸生得模範六藝共畊鋤
松菊淵明宅蓬蒿仲蔚居相望倘相憶時寄數行書

贈畫工

絲筆三生夢春蓮萬葉花笑人為市道隨分足生涯
山路淨如水溪流淺見沙能來良不惡看我傲烟霞
次胡伯仁韻

山長飛鳥急江濶去帆微唱晚幾漁笛憑高一釣磯
從君濯水雪滿袖得珠璣三嘆不能已歸來吟夕暉

書晁文元道院集

華屋金絨座雕鞍駟馬車才堪誇世俗早已落丘墟
此病久沉痾無人解掃除千年子晁子道院有遺書

送范二丈入藍田書院二首

今代崔斯立才高不負丞君方為重客人謂得良朋

敏捷朝千字辛勤夜一燈明年冠秋試萬里看飛騰
君在淳熙日嘗師陸監丞今為後死者樂有遠來朋
此道未墜地他時要續燈病夫力不足拱立看騫騰

夜坐用前韻二首

洪井今真隱長沙昔謾丞餘生傳巖壑拙宦愧交朋
飯菜渾忘肉囊螢足代燈詩來夜將半雲際月騰騰
家有輞川集人如玉右丞琴書多暇日觴詠盡高朋
擬脫雲山屐來分夜案燈新詩要傳寫病眼任曹騰

送胡仲立入京

昔對延英日諸公嘆弗如敢言天下事不負案頭書

此去朝馮闕懸知有異除榮途方着脚未用曳長裾
次施真人韻

素鞵方多難丹砂倘一逢勿疑蕉覆鹿會見竹成龍
澗水遠仍潔巖花幽更濃行、望仙宇知在最高峰
偶成

松徑煩風掃柴門為雨扁行携道院集坐對敬齋銘
好事心常記閑談耳不聽觀空為時悞無異醉初醒

老屋

老屋久歌側隨宜聊拄撐吾今且共住綠盡會須行
雨打從教壞風搖不用驚世間虛幻相聚散本無情

留淺沙

故人豈不好蕭寺亦堪居作意多成礙無心始自如
鐘魚飽香積枕簟熟華昏但惜詩成後傍無阿買書

寄題喻高士澹軒

世事卽鞞枕生涯老子詩書能知澹中味雅稱竹間居
石徑排雲入霜根帶月鋤紛華不到眼贏得玩清虛

晚步

日落欲閉戶風清聊杖藜千山猶帶雨一徑已無泥
瀟、水聲急悠、雲影低催歸綠底事着意傍人啼

榮姪試周

汝生方滿歲伯髮已星々桑苧甘投老蘭蓀喜向榮
席間無一印帷下有諸經莫學魚兒戲來年快聚螢

裴竹齋詩集卷之三

裴竹齋詩集卷之四目錄

七言律詩

題洪內翰爽榭

次元德弟示從龍入學

次洪內相菊亭

次洪內相梅亭

夜坐

雪

寄高菊圃謝惠詩集

寄元齡第

次元德第

玉山道中時赴掌故之命

端午上饒道中

臨安別余求之

鄉人羅朝宗與兵部尚書京公有舊將往見之

遇予於樂平因餞別

暘谷偶成

入京道中風雨因賦此遂退休

閑居

松花開竹筍茂喜而詠之

睡起書懷時諸公相勉再出

有感時與李弘齋有約

用前韻謝伯量過訪山中

送胡仲衡

喜范光伯相過

懷范光伯用前韻

次光伯韻

錢塘次孫教南韻

次朱震遠韻

次王成之韻詠梅

兀坐有感

有感

送張高安入京

用黃之益韻二首

寄劉擇之新居城

題懷秀堂

竹齋述事

大雪五首

題小桃源

次伯仁善利閣韻

挽霞溪高縣丞二首

裘竹齋詩集卷之四目錄終

裴竹齋詩集卷之四

宋

裴萬頃

元量甫

著

七言律詩

題洪內翰奕榭

霧閣雲窓天外安，懸知幽趣勝人間。
簾櫳夜月浮銀海，桃李春風醉玉山。
自笑紅塵無暇日，浪憑清夢覓商顏。
何如飛佩隨君後，細看匡廬紫翠巒。

次元德弟示從寵入學

生兒雖小莫憐渠，學問工夫在謹初。
今日從師良不惡，他年開戶反成踈。
隻親未老身無事，諸父能文家

有書好與汝兄俱努力後生叢裡試群居

次洪內相菊亭

詩仙種菊未多時因菊名亭早有詩欲為寒花標晚節故將新句寄東籬平生未省翻三峽高處那能贊一辭便得從容侍公側回頭已是十年遲

次洪內相梅亭

人間多是梅開後旋踵東籬事故常那得紅簾捲朱戶細看素質傲清霜一生寄興雲山外幾度搔頭江路傍咫尺名園身未到夜窗羞對返魂香

夜坐

爐火篝燈孰與同此心吾欲付冥鴻茅簷已作涉旬雨蕙帳不禁連夜風一段清愁詩句裡十分寒事酒盃中溪雲未用安排雪且聽梅花試小紅

雪

天花一夜泄春機飛墜人間片、奇有色有光欺柳絮無聲無臭點梅枝縱橫萬舞風回處表裡雙清月霽時此景惟詩可摹寫却憐老去不工詩

寄高菊圃謝惠詩集

高名如斗夜垂天無地追思每自憐正欲為君尋五老乃蒙因我到隻泉新詩妙絕開方就稚子携歸喜

欲顛此去湖邊不多遠秋風當覓釣魚船

寄元懿弟

夜床風雨夢到處東湖西山如接連安信喜隨烏鵲
後雅懷知寄白鷗邊軒窗春動陰滿^花菴史香浮墨色
鮮箇裡詩書應有味不妨兼讀養生篇

次元德弟

寧逐春風上下狂懶從桃李借恩光只應朝市風波
惡不似山林氣味長莫惜舉盃邀太白要看騎馬似
知章南征他日如相憶詩句還須付革囊

玉山道中時赴掌故之命

麥苗堆綠菜花黃一簇人家古道傍酒熟不妨邊里
巷年豐贏得事農桑世情只說宦游好客裡那知歸
興長我有平生蓑笠在釣絲何日理斜陽

端午上饒道中

一春留滯在京華午日依前未到家細葛香羅素無
望黃塵烏帽亦堪嗟爭舟野渡人如簇立馬郵亭日
欲斜遙想墳簾獻親壽綵衣羅拜酌流霞

臨安別余求之

長安車蓋喜如雲邂逅惟君是故人風月滿懷情酒
落珠璣撒紙句清新携來客裡一尊酒洗盡湖邊十

里塵富貴功名丈夫事別離無用淚沾巾
鄉人羅朝宗與兵部尚書京公有舊將往見之
遇予於樂平因餞別

四時成歲秋云暮九月肅霜天漸寒有客褰裳涉翻
水逢人劇口話長安懸知欲聽星辰履屐見從來首
蓂盤姑舉一觴餞行色無魚長缺切休彈

暘谷偶成

竹近顏忻衣袂爽苔深常恐履痕侵夜燈四壁留書
影曉日一床花木陰載酒只今誰好事絕絃從昔為
知音區區外物誠何用慎勿緣渠愁此心

入京道中風雨因賦此遂退休

新築書堂壁未乾馬蹄催我上長安兒時只道為官
好老去方知行路難千里關山千里念一番風雨一
番寒何如靜坐茅齋下翠竹蒼梧仔細看

閑居

閑居最與性相便勤即繙書懶即眠終日閉門真省
事有時面壁似耽禪大椿歲籥祈親壽漸簡生涯聽
子傳待問洪崖覓丹訣白雲深處引寒泉

松花開竹筍茂喜而詠之

繁花密笋暮春時粒點園林一段奇金粉生香風細

細斑衣留潤露垂、品高宜入神仙藥節勁終全冰
雪姿笑彼杏桃兒女態謾爭艷冶媚山岐

睡起書懷時諸公相勉再出

北窗終日廢書眠 枕清風值萬錢雲度茆簷輕葺
葺泉生石砌淨涓、不嫌雨脚花間注要聽秋聲屋
外傳三徑初成吾欲老幕中何用泛紅蓮

有感時與李弘齋有約

去年今日西歸客曝背茅簷又一冬歲月催人雖迅
速簡編於我却從容知名焉用詩千首養病聊須酒
一鍾早晚杖藜脩水去故人有約許相從

用前韻謝伯量過訪山中

勝遊千里笑談中雪片梅花正仲冬肯向蓆門尋孺
子更能草具重茅容春風頓覺生寒谷夜榻惟愁聽
曉鐘半世坡梅門下客乃今何幸得過從

送胡仲衡

憶昔樵江一見君喜君吃、善談文別來歲月今如
許書裡工夫想得勤近世起家多白屋幾人馳志在
青雲穡齋已踏賢關路更有諸孫策異勳

喜范光伯相過

章江東下幾灣洄誰伴矐仙夜探梅離別不禁詩社

冷遭逢莫放酒船回
水霜滿眼歲將換
花柳轉頭春
又來安得飛騰九霄外
鞭鷺答鳳日相陪

懷范光伯用前韻

梅邊流水碧洄洄
都把相思付折梅
十載不禁雙泪
落一尊期慰九腸回
驚殘蝶夢鵲空喜
望斷馬蹄人不來
咫尺雲山尚如此
天涯那解得追陪

次光伯韻

竹筵當年手自開
只今無處着莓苔
絕憐此地過從
少賴有高人時復來
籬下久霜猶有菊
水邊近臘正多梅
我云眷之三年別
君莫忽之一夕回

錢塘次孫教南韻

簿領歸來得泮宮
一時滾之任諸公
市朝競逐利名
走草木誰為臭味同
零水不妨披宿霧
蓬山正要挹清風
塵埃不得從君後
豈但他時愧兩翁

次朱震遠韻

芳池綠水自生肥
上有軒窗隱翠微
花竹舊嘗開小
徑門闌今又啟
重扉直須闔闔排
雲去要看長安躍
馬歸詞賦合魁
天下士春光端不負
劉暉

次王成之韻詠梅

誰遣冰魂照夕陽
搖之一任北風涼
眼前共有幾多

蕊鼻觀胡為如此香佳實會須歸列鼎孤標已自壓
群芳濡毫我欲從君賦未害平生鉄石腸

兀坐有感

忘言編蘭倦三復適意絲桐聊再行已共白雲論久
要更尋青鳥問張生按行泉石苔侵履披拂松篁露
濕纓此事洪崖知我舊歸歟端合與同盟

有感

政爾雙泉憶舊游柳江聞又有歸舟誰能不作千年
夢浙真成萬事休傾蓋向來情莫逆奠芻無計淚空
流重雲已失鷗鵬影愁絕滄浪一白鷗

送張高安入京

青衫十載蟾宮客黑綬三年鳳嶺頭循吏聲名武陽
令故家風味富平侯江邊休嘆雙鳧去天上行看一
網收入蓮鷁班立仙仗莫忘回首顧沙鷗

用黃子益韻二首

青衫日、困塵沙安用浮名與世誇已過半生真似
夢未荒三徑且還家恨無沉水紆香穗喜有寒泉淪
茗花袖却西歸遮日手園林幽處看桑麻
睡起忻然思慮少病餘猶覺應酬艱招搖風月聊須
竹收拾雲烟幸有山但要世緣隨手斷莫憂詩債幾

時還追奔富貴非吾事且占林泉一味閑

寄劉擇之新居成

西風吹鴈過吾廬特地傳君一紙書九載不須論舊
事萬金良喜得新居春回院落花侵座雨過池塘水
遠除我欲退之門下去却愁無處覓金魚

題懷秀堂

莫教滿地長莓苔杖履從今日：來曲徑要隨松巷
轉柴門須對石橋開墻頭花木因時種案上書任
意堆幸有林泉可投老忍將隻脚踏塵埃

竹齋述事

夢魂驚斷渺難續卧聽竹裡風冷：寒蛩爭鳴遠四
壁缺月半隨橫踈櫺平生細字髮欲白午夜短檠燈
尚青稻粱作計吾不願：學滄海鴻飛冥

大雪五首

雨師風伯妙天機幻出乾坤一段奇曉對青山渾似
晝夜看黃卷可忘饑金貂換酒非吾事鉄甲屯邊正
此時失國殘胡應凍死書生猶賦采薇詩
天孫雲裡散支機飛墜人間分外奇勾引芳尊留客
醉栽培玉粒療民饑幅巾籬落尋梅處一舸江湖釣
月時妙處惟詩可摹寫却憐老去不工詩

誰扶天女下水機剪水成花片
奇影落池塘波不動寒侵鷗鷺色
皆饑縱橫萬舞風回處表裡雙清月
霽時浪戰未能無寸鉄對人羞
誦醉翁詩伊人元不隨危機
踏凍衝寒正自奇只怪飛花無處
避都忘炊玉有時飢月明剝水回
舟夜歲暮梁園作賦時一段風流
誰得似只今王謝却能詩
誰知天巧出玄機但恠飛瑤過眼
奇暝立風枝寒雀倦愁吟水谷曉
猿飢蘆花洲渚月明夜柳絮池塘
春莫時此景人間不長有寫真傳
影正須詩

題小桃源

半月池邊倚瘦藤望仙臺上岸
烏巾塵埃一點不到地花木四時
長是春載酒豈無好事者爛柯應
有著碁人請君更種桃千樹準擬
漁郎來問津

次伯仁善利閣韻

看經堂中鐘磬鳴看經堂外水雲
清山連遠渚鳥飛急風入輕帆舟
去平烟樹不妨留夕照塵纓正欲
濯寒泓憑誰為我問造物乞與少
陵常眼明

挽霞溪高縣丞二首

少年挾策上金臺三拜即官鬢未
班不說知音在霄漢但知投老向
雲山柳絲陰裡陶潛樂花錦香中
潘

岳閑遊者不堪人事異洪崖亭下水潺湲
公家原在洪崖宅自是洪崖向上人嗜酒一生真簡
淡風標八袞更精神紛々偶歎人間事去々歸尋洞
裡春朱紱只今無覓處但餘佳句鎮長新

裴竹齋詩集卷之四

裴竹齋詩集卷之五目錄

五言絕句

善利閣次伯仁所題趙子良畫四首

饒吳長文司理用脩持賢業教無欠七字為韻

自警

題蘇希亮畫

雜著

兀坐有感

裘竹齋詩集卷之五目錄終

裘竹齋詩集卷之五

宋 裘萬頃 元量甫 著

五言絕句

善利閣次伯仁所題趙子良畫四首

筮篔君鄉來分明記江樹想君詩成時夢作白鷗去
平生交游間吾憤蓋屢岸區、稻梁謀君亦逐鴻鴈
風簷手君詩心跡已清絕何當更長吟坐對澄江雪
扁舟兩漁翁清唱發白暮安得如鷓夷相與五湖去
餞吳長文司理用脩持賢業教無欠七字為韻

脩

平生不量力妄意希前脩惜之雖無見拳之未敢休

持

狂瀾湧如此砥柱其誰為天意必有在吾身姑自持

賢

考亭無恙時從游孰非賢歲寒萬木彫松柏始傑然

業

聖賢去我遠何者名事業吾欲到彼岸須君借舟楫

教

過從資直諒夫豈勢利交謂朋黨者誰仁人姑聽教

無

人生天地間離別安能無莫作兒女態相期烈士夫

欠

君姿正而剛名節非所欠臨歧贈一言惟有學不厭

自警

俗塵易污人胸次須自潔君看四明老水壺浸秋月

題蘇希亮畫

石梁渡山澗上有秦人居歲寒不種桃汲泉灌佳蔬

雜著

兀坐有感

息綿之而不絕心了之以常明靜室我方燕坐傍人

喚作脩行

裴竹齋詩集卷之五

裴竹齋詩集卷之六目錄

七言絕句

保福寺對橙菊有感

兀坐有感

癸亥夜夢

次洪內相十月樵韻三首

次洪內相雙竹韻三首

荐福寺次韻許師詠竹

次余仲庸松風閣韻十九首

松齋秋吟

宿翠巖寺呈李弘齋僉判

同李僉判山行午飯野店簷外群蜂玢玢因成

絕句

寄宋居士脩叔求庵記

皖山紙帳送宋居士

題書院間碑

日出

早作四首

冬日早作

午睡

入京道中曝背

即事二首

次伯仁過道傍田家韻

秋

久雨

上元憶大梵明燈二首

秋日即事

九日

松齋秋吟次韻黃存之七首

次韻仲庸初冬即事二首

雪中戲元德元齡二弟二首

用前韻寄元齡弟二首

雪中再示德齡二弟三首

自和

再和

三和

次元德弟韻

余從元德弟借到西廊書齋朝夕其間今年
矣戲題作病僧寮且賦三絕
再用前韻

寄元齡弟五首

元齡弟寄悲秋四詩用次韻

余既得烏石岡西望葛壇在雲霄中相去雖遠
山勢不斷林木歷々可數異時乞靈仙翁不
難矣喜而成詩寄葛壇主人

寄張仲符時得烏石岡地二首

次敬叔韻二首

次李司直韻二首 字敬子號弘齋

別胡仲立次敬子伯量二丈韻二首

次余求之坐聞所賦韻

酬余之二首

餞仲庸主簿入京二首

別曹教授三首

次韻吳長文見寄時有衡山之後

次韻吳司理見貽二絕

寄題真愛堂三首

安樂窩三首

有感二首

高安別蘇野塘三首

題希亮畫

題昭君圖

題悟老畫卷四首

題窗前古槐二首

題針出羨字韻

題箋

簡瑄上人

簡瑄上人借楞嚴經

題瑄上人隱室

題破塵讀經所

裴竹齋詩集卷之六目錄終

裴竹齋詩集卷之六

宋

裴萬頃

元量甫

著

七言絕句

保福寺對橙菊有感

平生愛菊陶彭澤
清夜移橙杜草堂
千載詩魂招不
得
獨留風味在僧房

兀坐有感

意行曾到楚江頭
占得淩泉第一寮
窗戶邃深鐘磬
遠客塵都向靜中銷

癸亥夜夢

丙夜清眠正熟時夢魂飛去拜丹墀小臣乍得披肝
膽感慨分明涕泪垂

次洪內相十月桃韻三首

千紅萬蕊凋零盡安得枝頭數點紅疑是神人寫春
色鎮長留影在屏風

舊日驪山宮殿中玉妃無數舞衫紅只應歸去蓬萊
後夢作寒花笑北風

不須羯鼓促春工一樹霜邊取意紅寄語元冥為收
拾莫教人恨五更風

次洪內相雙竹韻三首

延平兩龍幾年卧歟爾化作寒枝雙春檜長松皆敵
國須因壘一時降

嬋娟兩枝翠可掬絕勝白璧南金雙留與先生作椽
筆詩壇八面受人降

管鮑交情真耐久夷齊義氣更無雙虛花滿眼風號
怒一節青々終不降

薦福寺次許師許竹

浮雲蹤跡任西東翰墨場中且用功時對此君哦七
字也勝痴坐辯幡風

次余仲庸松風閣韻十九首

飛花數點雨初歇啼鳥一聲春正長讀罷黃庭了無
事旋安銀葉試爐香

古木陰陰六月涼幽花藉藉四時香
桐清夜作三弄明月入簾風拂林

爛熳花陰覆短墻花開時候日偏長
道人不被春勾引到處惟聞薝蔔香

不見詩仙何遜來春風幾度早梅開
竹籬茅舍自清絕未用移根東閣栽

恰則梅邊春意萌困人天氣又清明
爐熏茗椀北窗下臥聽綿蠻黃鳥聲

已著遺經洗此心更尋流水濯吾襟
經句不涉溪邊路苻芾苔錢如許深

霧閣雲窗先自幽水聲
柳更繞源流春深紅雨落桃
徑晝永清風生茗甌

揚柳陰中啼杜鵑梧桐枝上噪玄蟬
篇章滿眼無人會贏得詩翁取意編

紛々眼底正爭馳我獨冥心絕五綦
說與傍人俱不信故山惟有白雲知

爭春桃李太匆匆隨手飄零逐曉風
水雪不侵塵不污可人惟有歲寒松

顏揚翰墨今誰解陶謝篇章古所無安得金丹換凡
骨白頭深恐愧吾夫

平池春去水溶溶人在笙歌一部中柳葉翻風羅帶
綠荷花着雨錦衣紅

簷間新燕幾時來簷外閑花往歲栽丹杏碧桃渾落
盡綠陰低處結青梅

淡月籠花映窗好風吹竹浮香夢回何處一聲
笛人靜山幽天正涼

無所用心魚在沼居然生子燕成窠誰言春去花事
歇萱草石榴情更多

為憐風雨趣春回故着秋花到處栽蘭菊從來盛風
味不妨環繞讀書齋

白雲殊不作俗態流水更似知人心溪邊濯足溪上
坐樵唱一聲秋滿林

坡谷遺書那復有向來一紙抵千金誰知懸腕與卧
筆如用大都留此心

俗書本作于湖樣野鷺家雞強自分王氏無人魯公
死只今何處覓雲仍

松齋秋吟

驕陽赫赫轉秋陰便覺蕭然鬢影侵世事炎涼俄忽

爾閑來物理靜推尋

宿翠巖寺呈李弘齋僉判

匡廬勝處君曾到誰是淵明與遠公
幸有和陶詩卷在好依蓮社此山中

同李僉判山行午飯野店簷外群蜂
玃因成

絕句

脫畧人間勢利場來尋泉石共徜徉
飯餘小立茅簷外試問群蜂有底忙

寄宋居士脩叔求庵記

翠琰新刊照眼明流傳何日到柴荆
從今不恨論交

晚我亦碑中有姓名

皖山紙帳送宋居士

剪裁不惜褚先生要護高人雪屋眠
只恐鶴書催起去長留空帳北山巔

題書院壁間碑

天上真龍去不回世間凡馬謾爭馳
少年氣習今猶在袖手時來省斷碑

日出

日出柴門尚懶開綠陰多處且徘徊
槐花滿地無人掃半在墻根印紫苔

早作四首

雨過長江浪拍城
迢迢羲馭水中行
舟人指點雲開處
喜見青山一抹橫

井梧飛葉送秋聲
籬菊絨香待晚晴
斗柄橫斜河欲沒
數山青處亂鴉鳴

北窗清冷不成眠
風透蛩聲到枕邊
試喚兒童捲疎箔
一簷花影月娟娟

爐香清曉坐書帷
竹擁藤床日到遲
自賦短章還自笑
不知顏閔有何詩

冬日早作

黃昏月姊剪雲開
夜半雷車載雨來
晨起鉤簾望霄漢
風花吹墮萬瑤瑰

午睡

午窗春日影悠悠
一覺清眠萬事休
堪笑邯鄲槐里夢
痴兒到老不回頭

入京道中曝背

露濕芳桃午未乾
花時全似麥秋寒
征衫不敵東風力
試上郵亭曝背看

即事二首

門前溪水欲平隄
漫着漁竿淺處垂
晴雨每關憂國

念豐凶端欲問人知
春時畊種夏時芸七月農夫始食新此去田家常要
雨：多元自不妨人

次伯仁過道傍田家韻

桃源千載鎖烟雲若輩安知古有秦恐是吳興沈東
老一樽聊復醉詩人

秋

數聲牧笛日將晚一曲樵歌山更幽解帶盤桓小溪
上坐看紅葉汎清流

久雨

園林清樾淨無塵池沼黃流去有聲不用飛花來點
綴但須霽日為澄清

上元憶大枕明燈二首

經年不到豫章城燈火遙聞鼓吹聲却憶秋屏臺上
寺絳紗青玉幾長明

突兀招提枕古城夜深鐘磬寂無聲坐馳燈火笙歌
地知有何人一點明

秋日即事

新鴈聲邊小雨來菊花強半臥蒼苔乍寒天氣雖宜
酒冷淡無心把酒盃

九日

籬落黃花尚自無
白衣况未到吾廬
莫令此日負佳節
為展淵明採菊圖

松齋秋吟次黃存之韻七首

少年有策志平戎
心事今來一老翁
蜀客款門茶未了
防秋又說東兒紅

西風黃葉掃空庭
舞鶴翩跹隨雪翎
一陣清風通鼻觀
木犀亭下讀騷經
牽牛引蔓上東籬
氣肅清商雨過時
人意若隨天意好
秋光又到菊花枝

閉門思古或傷今
每有詩來默契心
紙上不須評巧拙
堯夫只是靜中吟

閑中無辱亦無榮
案上圖書有課程
靜對秋花香默默
晚風休送亂蟬鳴

據梧杖策事紛紛
樓上看山對晚曛
縱是樓無山色遠
只如小米盡烟雲

無事縈心畫掩扉
松風度曲入琴徽
登高老矣興猶在
寒上秋風戰馬肥

次仲庸初冬即事二首

常歲霜天分外晴
一溪如練浸冰輪
今年風雨寧無

夜誰與溪梅作小春
君家秋實洞庭種小子持來獨未黃莫作蘇州書後
夢只今正欠滿林霜

雪中戲元德元齡二弟二首

在昔梅花猶有賦如今水柱亦無詩吾衰不作池塘
夢春草生時子合知

袖間出手不應遲柳絮漁蓑總是詩二妙得君真所
喜一寒如我有誰知

用前韻寄元齡弟二首

季也東歸何太遲伯兮西望屢吟詩茅簷昨夜雪深

尺人在蓬窗知不知
小舟閑已找江湄滿眼琉璃定有詩
似其人人似雪只應清處恐人知

雪中再示德齡二弟三首

只道園林春未歸風前一夜柳花飛東皇自是繁華
主不用元冥薦玉妃

平生簑笠慣衝寒長憶江湖把釣竿昨夜此窗聞雪
作夢魂飛到子陵灘

青々窗外幾脩篁也學宮梅巧樣妝說與惠連須着
白雪邊春色到池塘

自和

亂飄窗戶重：積巧入簾櫳細：飛想見鈞天張樂
處瓊琚玉佩列千妃

蕙帳一冬無苦寒夢回長是日三竿卯知今夜剡溪
路月淡扁舟水滿灘

鳳臺仙姊捲銀篁歸去瑤池試曉妝剝粉殘脂無處
着化為風絮滿池塘

再和

無人低唱兩三卮一任瑤瑤滿眼飛羅襪暗塵應洗
盡月明吾欲看江妃

憶昔騎驢犯曉寒酒旗隨處認長竿灞陵物：皆詩
句不用牽船八節灘

眼前脩潔獨脩篁屢倩東風洗曉妝學舞腰肢困珠
玉可憐官柳在寒塘

三和

梨花月淡珠簾捲柳絮風絮輕粉蝶飛宮漏無聲窗
欲曙霓裳催舞廣寒妃

雪裡鷗盟元未寒小舟南浦着漁竿眼明似共月千
里衣冷欲迷雲一灘

疎梅元自映疎篁誰把瑤瑤特地妝雪後園林應更

好却輸和靖在錢塘

次元德弟韻

跋扈飛揚使我驚
鉄中隻鏃日錚々
陳橋舊將今無用
一任於菟繞屋行

余從元德弟借到西廊書齋朝夕其間今二年

矣戲題作病僧寮且賦三絕

雖有曷書伴寂寥
不妨題作病僧寮
蒲團竹椅南窓下
一炷爐香百念消
華髮蒼顏一病僧
向來文史頗閑情
只緣世網無由脫
遂學枯禪度此生

朝來寮外望西山
正在雲烟縹緲間
既欲與山為保社
不妨身世似雲閑

再用前韻

病僧行脚歸來後
萬事無心每閉寮
日射竹窗風葉亂
烟凝香鼎篆紋消

厭趁朝市元無夢
慣處山林似有情
圓覺楞嚴俱不解
維摩會下一書生

無心對客煨黃獨
有意看雲傍白間
終日區々弄文墨
笑他齊己與高閑

寄元齡弟五首

餘生端合老吾廬心地全然與世疎安得數椽西嶺
下自行溪水灌園蔬

莫怪窮年不入州載書前已會盟鷗市朝畢竟多塵
事且傍溪山靜處留

俯仰之間又一年即看科詔下天邊功名萬一來相
逼試向榮途小着鞭

少年妄作功名想說着長安喜欲狂多病年來怕奔
走却思雲壑置藤床

一室蕭然百事無崇朝跌坐對熏爐岫雲舒卷元無
礙贏得從容養病軀

元齡弟寄悲秋四詩因次韻

不到青雲志未休近來何事却悲秋短檠雙目元無
恙快讀詩書莫浪愁

留書繞屋未為貧想見長吟日閉門西社諸公久寥
落不知招得幾人魂

幸有平生古戰場不妨高卧到羲皇一朝冀北空凡
馬須信驂騑道路長

支離病骨怯初寒眼底清愁更萬端勉和新詩寄鴻
鴈江城夜月一覓君看

余既得烏石岡西望葛壇在雲霄中相去雖遠

山勢不斷林木歷、可數異時乞靈仙翁不
難矣喜而成詩寄葛壇主人

東西知隔幾牛鳴山勢綿、若引繩待向留邊結茅
屋幅中遙禮夜壇燈

寄張仲符時得烏石岡地二首

今人那似古人賢一鍾隨身日醉眠此老有靈應笑
我區、常費買山錢
寸田尺地可長久此訣劉郎却未得傳他日馭風蓬
島去謾留陳迹在山巔

次敬叔韻二首

玉鑑冰壺一段清鉄中誰與闢錚、眼看萬里雲霄
路不信驂騑地上行

別我新詩有許清玉聲全韻兩琮錚筆端定有翻三
峽乞與餘波賦贈行

次李司直韻二首

字敬子號弘齋

老來方欲卧林泉一躡紅塵只自憐已與仙靈有成
說秋風歸騎急加鞭

清虛絕跡竟何為自笑平生頗好之正路倘非君得
似冥行未免用多岐

別湖仲立次敬子伯量二丈韻二首

脩水相望無百里從來人物勝西昌弘齋自是朝陽
鳳伯仲行看接翼翔
乾枯如我真何用謾結蒲團竹椅緣緘口向人無一
語此燈他日遣誰傳

次余求之坐閑所賦韻

地僻不聞車馬鬧官閑但覺屋廬深
擻除詩債寂無事一炷爐香觀此心

酬余求之二首

枕中久已黃梁熟鏡裡從教白髮垂
但得漁樵分半席此生何必要人知

雨後輕窗無一塵窗前松竹更清新
不妨踏遍莓苔地遺我青鞋有故人

餞仲庸主簿入京三首

風帆轉眼即長安好在交游半達官
既有王陽知貢禹不妨乘興一彈冠

孤山梅蕊正開時杖履還須訪水湄
莫遣水魂嘆牢落只今和靖自能詩

野梅官柳只供愁空倚鄣江百尺樓
待倩天邊幾鴻雁為傳消息到皇州

別曹教授三首

一歲與君三別離
盍簪此去定何時
梅花未必堪相
寄待倩郵筒寄小詩

從渠柳色自青
莫為行人賦渭城
只恐南牆舊時
竹誤隨風雨作離聲

江花岸柳太多情
長逐春風管送迎
我亦思歸未
得夜窗愁聽杜鵑聲

次吳長文見寄時有衡山之後

夜半詩成欲寄君
夢魂飛渡楚江津
怡怡前日如兄
第今作東西南北人

次吳司理見貽二絕韻

朱全得喪日悲懽
內樂知誰夢見顏
君有上池無限
水不將涓滴到人間

湛然胸次幸清明
忍看人間勢利輕
我輩相知端有
道未應膠漆付雷陳

寄題真愛堂三首

終南佳處暫棲遲
堪笑唐朝左拾遺
渠但借山為撓
徑山中滋味豈曾知

真寔愛山今有誰
此心猿鶴亦難欺
看來却是朱居
士不愧昌黎五字詩

築堂誰不要看山
社社襟期了不閑
欲識此翁高絕

處一心長在白雲間

安樂窩三首

天闕飛來三大字雲山留住一閑身
老仙駕鶴蓬萊去丹灶而今屬後人

孤山嘗試一登臨歸夢紛然繞故林
箇是平生安樂處清泉白石總關心

生來歲晚寄南窗燕坐常聞御墨香
却笑到天亭上客日持茗粥攪枯腸

有感二首

絕憐脩竹知人意更愛雙泉不世情
回首舊游渾似

夢却因多難悟無生

三四知音總道山荷鋤吾獨在田間
人言病驥猶堪秣伏櫪何心十二閑

高安別蘇野塘三首

獨立每憐陶靖節北窗終日傲羲皇
如今我亦無儕輩遠把心期付野塘

胸中泉石真成癖紙上雲烟總是詩
分我漁舟三四箇故山歸去弄漣漪

交蓋纔傾便語離絕憐立馬送君時
梅花未必堪相寄待倩郵筒寄小詩

題希亮畫

晚牧歸來月在山夜深茅舍不勝寒
栖烏欲動催翁起快傍烟汀把釣竿

題昭君圖

紛々爭賂毛延壽今日丹青竟不傳
萬事無過真寔處後人贏得寫嬋娟

題老悟畫卷四首

中興以前作山水只說李東_成與郭熙
誰知淳熙有此老健筆不減巨然師
吏隱三年楚水頭每隨鳧雁棹扁舟
歸來喜色驚鄰

里分得瀟湘一片秋

何處移來一川竹空濛烟霧染人衣
其間應有葛陂杖時出林梢帶雨飛

謾々風前荷葉枯搖々霜後蓼花踈
春鋤舊有江湖約數輩相依正要渠

窗前古槐二首

密葉繁陰画不成捲簾淩眼為渠明
人間炎熱無來處贏得軒窗分外清
去歲西湖避暑來藕花無數眼慵開
而今歸臥洪崖側看盡飛泉看古槐

題針出羨字韻

一寸堅剛鉄琢成綺羅叢裡度平生有時稚子敲成
釣：得魚兒便作羨

題箋

六七葉蘆秋雨裡兩三箇雁夕陽邊青天萬里渾無
礙衝破寒潭一抹烟

簡瑄上人

千里歸來覓故林朱弦雖在少知音春風玉几山前
路忍負平生一片心

簡瑄上人借楞嚴經

石室雲山鎮日扃午鷄啼處睡初醒案頭尚有爐熏
在試讀楞嚴一卷經

題瑄上人隱室

閩浙相望兩道場上人曾炷室中香直須了却舊公
案莫向空山便隱藏

題破塵讀經所

試為衆生破一塵出經為筏度滄溟待渠到岸無驚
畏復破微塵納此經

裘竹齋詩集卷之六終



